

Un Padre nell'imbarazzo, per non saper
a chi dare la sua Figlia.

CANZONE XXX.

J'ai una fia da maridè,
Ma mi seu pa a chi l'ai da dè,
Son ambrojà,
Anterdovà,
Mi n'seu cosa i m'toira; vad via studiand,
La fia va sospirand.
Oh là, pr mi seu pa a chi l'ai da dè,
Son ambrojà, anterdovà,
Oh la povra fiëta.

Quand i la daga a quaich Cavajer,
La maggior part a son linger,
E peui tant a son
Pien d'ambission,
Con tut lo ch' a sio carità dsor a j' eui
Da debit, e sent ambreui.
Oh là, ecc.

Quand i la deissa a quaich Avocat,
Coui li l'an d'grinfe pes ch' ij gat,
Pr sgrafignè,
E peui grignè,
Monsend con soe ciance le borse a la gent,
Ch' a s' buto pr so client.
Oh là, ecc.

Un Medich fa pa pr i so dent,
Prchè ch' a masso tropa gent;
E smia ancor
Ch' a sio pa lor
Ch' a n' abio la colpa, perchè ai manca nen
D' rason e scuse un sach pien.
Oh là, ecc.

Oh che sproposit delà a un Paisan,
 Ch' a l' an d' servei baravantan;
 A son stissos
 E pontilios,
 E pr l' interesse a vendrìo la gent,
 Pare e mare, e tuti i parent.
 Oh là, ecc.

Gnun Botegari e gnun Artisan
 Avran l' onor d' sporsie la man;
 Prchè coui li
 Part son fali,
 E part a s' angigno pr rif e pr raf
 A vive sui so ciaraf.
 Oh là, ecc.

Da già ch' i sai nen a chi l' ai da dè,
 Ch' a staga ampò da maridè;
 Almanch così,
 E chila e mi
 Staroma tranquij an nostra vita durant,
 Coul l' è 'l ripiegh 'l pi sbrigant.
 Oh là, ecc.

Da già ch' i seu pa a chi l' ai da dè,
 Così i sarai
 Fora dij guai
 Tant mi com' mia fiëta.

Del Ferravecchio.

CANZONE XXXI.

Sa chi veul vende l' mnù,
 Mi son 'l feramiù,
 Ch' i compro bon e gram;
 Lasseve ranchè i dent,